



4 Julai 2021
4 July 2021
P.U. (A) 293

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PENCEGAHAN DAN PENGAWALAN PENYAKIT BERJANGKIT (LANGKAH-LANGKAH DI DALAM KAWASAN TEMPATAN JANGKITAN) (PELAN PEMULIHAN NEGARA) 2021

PREVENTION AND CONTROL OF INFECTIOUS DISEASES (MEASURES WITHIN INFECTED LOCAL AREAS) (NATIONAL RECOVERY PLAN) REGULATIONS 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PENCEGAHAN DAN PENGAWALAN PENYAKIT BERJANGKIT 1988

PERATURAN-PERATURAN PENCEGAHAN DAN PENGAWALAN PENYAKIT BERJANGKIT
(LANGKAH-LANGKAH DI DALAM KAWASAN TEMPATAN JANGKITAN)
(PELAN PEMULIHAN NEGARA) 2021

PADA menjalankan kuasa yang diberikan oleh subseksyen 11(2) Akta Pencegahan dan Pengawalan Penyakit Berjangkit 1988 [*Akta 342*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Pencegahan dan Pengawalan Penyakit Berjangkit (Langkah-Langkah di dalam Kawasan Tempatan Jangkitan) (Pelan Pemulihan Negara) 2021**.

(2) Peraturan-Peraturan ini mula berkuat kuasa pada 5 Julai 2021.

Pemakaian

2. (1) Peraturan-Peraturan ini hendaklah terpakai bagi semua kawasan tempatan jangkitan.

(2) Sesuatu kawasan tempatan jangkitan, atau bahagian, daerah, mukim atau tempat, dalam kawasan tempatan jangkitan, adalah tertakluk kepada mana-mana fasa yang ditetapkan.

Tafsiran

3. Dalam Peraturan-Peraturan ini—

“fasa yang ditetapkan” ertinya mana-mana fasa dalam Pelan Pemulihan Negara yang ditetapkan dan diumumkan oleh Kerajaan dari semasa ke semasa dan disiarkan dalam laman sesawang Majlis Keselamatan Negara;

“kawasan tempatan jangkitan” ertinya mana-mana kawasan yang diisytiharkan sebagai kawasan tempatan jangkitan di bawah Perintah Pencegahan dan Pengawalan

Penyakit Berjangkit (Pengisytiharan Kawasan Tempatan Jangkitan) 2020
[P.U. (A) 87/2020].

Perkhidmatan perlu

4. (1) Bagi maksud Peraturan-Peraturan ini, “perkhidmatan perlu” ertinya perkhidmatan perlu dan termasuklah apa-apa aktiviti dan proses dalam rangkaian pembekalan perkhidmatan perlu itu sebagaimana yang ditetapkan dan diumumkan oleh Kerajaan dari semasa ke semasa dan disiarkan dalam laman sesawang Majlis Keselamatan Negara mengikut mana-mana fasa yang ditetapkan.

(2) Ketua Pengarah boleh, melalui arahan, menambah atau memotong apa-apa perkhidmatan, kerja, industri dan perniagaan sebagai perkhidmatan perlu selepas berunding dengan pihak berkuasa yang mengawal selia perkhidmatan, kerja, industri dan perniagaan itu dan arahan itu hendaklah disiarkan dalam laman sesawang Majlis Keselamatan Negara.

Kawalan pergerakan

5. (1) Tiada seorang pun boleh, semasa dalam mana-mana fasa yang ditetapkan, bergerak dari satu tempat ke tempat yang lain di dalam mana-mana kawasan tempatan jangkitan, dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain.

(2) Walau apa pun subperaturan (1), Ketua Pengarah boleh mengeluarkan apa-apa arahan dan syarat bagi maksud pergerakan mana-mana orang, semasa dalam mana-mana fasa yang ditetapkan, dari satu tempat ke tempat yang lain di dalam mana-mana kawasan tempatan jangkitan, dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain.

(3) Apa-apa arahan dan syarat yang dikeluarkan oleh Ketua Pengarah di bawah subperaturan (2) hendaklah disiarkan dalam laman sesawang Majlis Keselamatan Negara.

Larangan pergerakan ke tempat yang tertakluk kepada perintah kawalan pergerakan diperketat

6. (1) Tiada seorang pun boleh masuk ke dalam atau keluar dari suatu tempat yang tertakluk kepada suatu perintah kawalan pergerakan diperketat kecuali mana-mana orang yang memberikan perkhidmatan jagaan kesihatan dan perubatan atau yang diberikan kebenaran oleh pegawai diberi kuasa.

(2) Bagi maksud subperaturan (1), “perintah kawalan pergerakan diperketat” merujuk kepada arahan yang diberikan oleh pegawai diberi kuasa di bawah subseksyen 11(3) Akta.

Pergerakan kerana sebab khas atau tertentu

7. Jika, kerana sebab khas atau tertentu seseorang perlu bergerak, semasa dalam mana-mana fasa yang ditetapkan, dari satu tempat ke tempat yang lain di dalam mana-mana kawasan tempatan jangkitan, dari satu daerah ke daerah yang lain di dalam mana-mana kawasan tempatan jangkitan atau dari satu kawasan tempatan jangkitan ke kawasan tempatan jangkitan yang lain, orang itu hendaklah mendapatkan kebenaran bertulis terlebih dahulu daripada pegawai polis yang menjaga balai polis yang paling hampir dengan kediaman orang itu.

Aktiviti terlarang

8. Tiada seorang pun boleh, semasa dalam mana-mana fasa yang ditetapkan, melakukan, menganjurkan, mengusahakan atau selainnya terlibat dalam, mana-mana aktiviti terlarang sebagaimana yang ditetapkan dalam arahan oleh Ketua Pengarah dari semasa ke semasa dan arahan itu hendaklah disiarkan dalam laman sesawang Majlis Keselamatan Negara.

Larangan berarak

9. (1) Tiada seorang pun boleh, semasa dalam mana-mana fasa yang ditetapkan, dengan apa-apa cara menyertai atau terlibat dalam apa-apa perarakan.

(2) Walau apa pun subperaturan (1), seseorang boleh, semasa dalam mana-mana fasa yang ditetapkan, menyertai atau terlibat dalam apa-apa perarakan

tertakluk kepada apa-apa arahan dan syarat yang dikeluarkan oleh Ketua Pengarah.

(3) Apa-apa arahan dan syarat yang dikeluarkan oleh Ketua Pengarah di bawah subperaturan (2) hendaklah disiarkan dalam laman sesawang Majlis Keselamatan Negara.

Kawalan berhimpun

10. (1) Tiada seorang pun boleh, semasa dalam mana-mana fasa yang ditetapkan, berhimpun atau terlibat dalam apa-apa perhimpunan di dalam mana-mana premis di dalam mana-mana kawasan tempatan jangkitan sama ada bagi maksud keagamaan, perkahwinan, sukan, rekreasi, sosial atau kebudayaan.

(2) Walau apa pun subperaturan (1), seseorang boleh, semasa dalam mana-mana fasa yang ditetapkan, berhimpun atau terlibat dalam apa-apa perhimpunan tertakluk kepada apa-apa arahan dan syarat yang dikeluarkan oleh Ketua Pengarah.

(3) Apa-apa arahan dan syarat yang dikeluarkan oleh Ketua Pengarah di bawah subperaturan (2) hendaklah disiarkan dalam laman sesawang Majlis Keselamatan Negara.

Pengangkutan awam

11. (1) Walau apa pun jumlah kapasiti maksimum bilangan penumpang yang boleh dibawa di dalam mana-mana pengangkutan awam darat, laut atau udara, seseorang pemegang lesen atau permit mana-mana pengangkutan awam darat, laut atau udara untuk membawa penumpang hendaklah, semasa dalam mana-mana fasa yang ditetapkan, memastikan pengangkutan awam yang berhubungan dengan lesen atau permitnya membawa bilangan penumpang tertakluk kepada apa-apa arahan dan syarat yang dikeluarkan oleh Ketua Pengarah.

(2) Apa-apa arahan dan syarat yang dikeluarkan oleh Ketua Pengarah di bawah subperaturan (1) hendaklah disiarkan dalam laman sesawang Majlis Keselamatan Negara.